

NO SOALAN :8

PEMBERITAHUAN PERTANYAAN

DEWAN RAKYAT, MALAYSIA

**DARIPADA : Y.B. TUAN AHMAD BAIHAKI BIN ATIQULLAH
(KUBANG KERIAN)**

PERTANYAAN : LISAN

TARIKH : 20.11.2017

Y.B. TUAN AHMAD BAIHAKI BIN ATIQULLAH [KUBANG KERIAN

] minta MENTERI KEWANGAN menyatakan adakah benar Jabatan Kastam Di Raja Malaysia akan diswastakan dan apakah justifikasi utama jika ia dibuat.

JAWAPAN

Tuan Yang Dipertua,

1. Untuk makluman Ahli Yang Berhormat, Kerajaan secara dasarnya telah bersetuju supaya cadangan untuk memperbadankan Jabatan Kastam Diraja Malaysia (JKDM) dikaji secara teliti dengan mengambil kira implikasi perundangan, kewangan serta fungsi-fungsi penguatkuasaan,

khususnya yang melibatkan tugas mengenai kawalan disempadan negara yang merupakan fungsi di bawah enakmen negeri. Secara amnya, objektif untuk menjadikan JKDM sebagai sebuah badan berkanun adalah bagi:

a. meningkatkan keberkesanan dan kecekapan pengurusan sumber kewangan dan sumber manusia melalui kebolehan menentukan sendiri dasar serta aspek-aspek berkaitan pengurusan sumber personel dan kewangan untuk menjamin kecekapan dalam mengambil tindakan yang perlu dengan pantas. Ini termasuklah memastikan hanya pegawai yang kompeten dikekalkan dalam organisasi melalui keupayaan "*hire and fire*" oleh KDRM apabila diperbadankan;

b. meningkatkan kutipan hasil cukai tidak langsung melalui aktiviti pematuhan dan penguatkuasaan yang lebih inovatif, cekap dan berkesan dengan memantapkan pematuhan perundangan JKDM seperti inisiatif *Customs Blue Ocean Strategy* (CBOS) dan penambahan operasi-operasi penguatkuasaan dan pematuhan dari semasa ke semasa. Keupayaan untuk meningkatkan hasil juga dapat dilakukan dengan menambah bilangan dan menambahbaik aset-aset JKDM supaya selari dengan teknologi terkini;

c. meningkatkan kecekapan melaksana perubahan selaras dengan komitmen di peringkat antarabangsa antaranya melalui *World Trade Organization (WTO)*, *World Customs Organization (WCO)* serta jawatankuasa-jawatankuasa ekonomi dan perdagangan peringkat dunia yang dianggotai oleh Malaysia. Pelaksanaan fungsi oleh JKDM dengan pantas dan teratur memerlukan suatu autonomi pengurusan yang sewajarnya; dan

d. meningkatkan kecekapan penguatkuasaan dan kawalan sempadan selaras dengan langkah meningkatkan integriti dalam jangka masa panjang.

2. Kementerian Kewangan sedang mengenalpasti kesesuaian beberapa negara yang boleh dijadikan sebagai contoh amalan baik serta pengalaman pengkorporatan kastam, peranan *border control authority* serta fungsi kutipan hasil di negara berkenaan untuk dilawati dalam jangka masa terdekat.

3. Antara beberapa isu serta cabaran yang perlu diberi perhatian dalam memperbadankan JKDM ini antaranya adalah isu perundangan yang antaranya melibatkan penguatkuasaan kastam ke atas akta serta

5

enakmen/ordinan negeri yang sedang berkuatkuasa, urusan penyelarasan perjawatan serta pengurusan perubahan bagi memastikan kelicinan operasi kastam dalam tempoh peralihan.